

Makaburu

2/3/88

washutumiwa

U. MAPUTO, Msumbiji

U 2/3/88

MSUMBIJI imeushutumu tena utawala wa makaburu wa Afrika Kusini kwa kuwaunga mkono magaidi wa MNR katika kuvuruga mkataba wa amani uliotiwa saini na nchi hizo mbili.

Waziri wa mambo ya nchi za nje wa Msumbiji, Ndugu Pascoal Mocumbi, alitoa shutuma hizo jana alipokuwa akizungumza kwenye mkutano wa mawaziri wa mambo ya nchi za nje kutoka nchi tano zilizokuwa makoloni ya Wareno unaofanyika mjini Maputo.

Alisema kuwa utawala wa ubaguzi wa rangi wa Afrika Kusini bado unasaidia kikundi cha magaidi cha MNR katika mambo kama usafiri na vifaa vingine.

Mocumbi pia aliishutumu vikali Afrika Kusini kwa mashambulizi yake kusini mwa Angola na kuitawala Namibia kinyume cha maazimio ya Umoja wa Mataifa.

Mkutano huo wa siku tano, ambao utajadili masuala ya siasa na ushirikiano wa uchumi, unahudhuriwa na mawaziri kutoka Angola, Cape Verde, Guinea-Bissau, Msumbiji, Sao Tome na Principe.